

**‘Stasira
si
sciala**

di

Giuseppe Cardella

Lu cardidduzzu

Haju un cardidduzzu
tuttu spinnacchiatu
mài mi lassa, 'nnuccintuzzu
è troppu affezziunatu.

'Stu cardidduzzu sapuritu,
jittatu suliddu d'un fossu
nascì cchiù nicu d'un jitu
ma ora e fattu beddu grossu.

'Ntà 'na festa d'amici 'na vota,
cu 'na picciutedda abballavu
giràvamu lesti comu 'na rota
mentri 'nì la facci la vasavu.

Lu cardidduzzu cumincià a cantari,
la musica ci fici un beddu effettu,
di la gaggia vuliva scappari
agitatu ristà senza rizzettu.

Menu mali ca la musica finì
e subito assittari 'nì nnì jemu.
La genti li vidivamu a trì a trì
pi miraculu nun svinemu.

Un jornu, versu li sidicianni
si graperu li porti di lu paradisu,
lu cardidduzzu fici festa granni,
ma nun capì unn'era misu.

Si ritrova 'ntà 'na tana di ruvetti

cu tantu mangiari pi lu sò palatu:
affaccia, trasi, curri e s'addiverti ...
nesci fora stancu mortu e affaticatu.

Comu vidi 'na cardidduzza
subitu cci gira 'ntunnu. La talia,
la pizzulia, la stringi, l'abbrazza,
ci sata di 'ncoddu e la strantulia.

Criscennu, mi fici zitu
cu 'na bedda picciuttedda,
li labbruzza ci tuccava cu lu itu
pi pò daricci 'nà vasatedda.

Lu cardidduzzu la tana vuliva visitari
nun ci fù cuncessu, mancu pì pietà!
Pi accuntintallu m'appi a maritari
vasinnò nun ci avissi trasutu mà.

Ora, trasi e nesci spissu tuttu l'annu
un jornu fermu nun pò cchiù stari.
A lu cardidduzzu ci vinni un malannu
nenti di gravi! Si voli sulu arripusari.

Mischineddu, ora, si carmà,
trasi ogni tantu, quannu ci voli,
ci duna 'nà taliatedda e si 'nni và,
senti friddu, trema e la testa ci doli.

Lu cardidduzzu trasi 'ncrisi,
pirchè trasiva ogni simana
ora, 'nveci, 'na vota a lu misi
e cchiù chi và chiossà s'alluntana.

Dormi e cchiù nun s'arrimina
nun cì reggi cchiù la testa.
Passa la sira, veni la matina
jornu e notti senza festa.

Chiangemu tutti, omini tirreni,
lu cardidduzzu murì e sinn'acchianà
senza iddu lu munnu nun teni
picchi è iddu chi reggi l'umanità.

Piccatu... era beddu e priziusu,
'stu cardidduzzu era comu l'oru.
Nun lu jiettu e mancu lu 'mpirtusu
lu portu cu mia finu a quannu moru.

2007 Giuseppe Cardella

Lu citrolu

Un jornu trasivu 'ntà 'na putia
pì accattari un chilu di pira.
'Na bedda signura prima di mia
cu la facci bianca cumu la cira
e li labbra russi comu un piparolu
a lu putiaru ci dumannà un citrolu.

Si lu pigliassi cu li stessi sò mani,
si sciglissi chiddu chi ci appatisci
nun arriverannu mancu a dumani
sù frischi, viridi e beddi lisci.
Taliassi chistu, signora Enza,
è tenniru cu pocu simenza.

Sicuru ca lu sapi quali 'm'av'a dari
chiddu chi mi duna, pi mia va beni
di la sò frutta nun c'è di lamintari
vidu ca avi fudda e c'è lu và e veni.
Piaci puru a mè cucina Franca
dici ca ogni jornu nun ci ni manca.

Ora capivu? Certu, 'nì sugnu sicuru
chiddu chi dugnu a sò cucina Franca,
nun è fora ma dintra a lu scuru
lu custudisciu comu 'ntà 'na banca.
Vinissi cu mia ca ci lu fazzu assaggiari
si ci piaci, a quintali 'nni po' mangiari.

Lu putiaru cu la signura si 'nni traseru
nun curannusi ca lassà a tutti 'n tridici
tutti li pirsuni ci parsu malu e si nni eru

ristavu io cu la facci niura comu la pici.
A stu puntu mi giravu 'ntunnu e taliavu,
li pira mi purtavu e nun ci li pagavu.

Quannu si mangia troppa carni
senza 'nà 'nzalata pi cuntornu
la gula s'attuppa e sù danni
si resta spissu cu lu fastornu.
Perciò la 'nsalata nun av'à mancari
pi nun circari atri radici d'arruttari.

2007 Giuseppe Cardella

Lu vastuni di mè nonnu

Lu vastuni c'aviva mè nonnu,
d'ora in poi nun ci servi cchiù.
Nun ci passa mancu pi sonnu,
finì. Ormai nun ci pensa cchiù.

Di 'stu vastuni assà 'ni gudiva,
tanti vastunati di picciottu detti.
Me nonna era filici e ci piaciva,
quannu lu trovava suttu li cuperti.

Quasi ogni notti la vastuniava
passavanu uri di veru piaciri,
lu vastuni, cuntentu si 'ni stava
cuntinuava e mà la vuliva finiri.

Cci sù vastuna d'ogni manera:
curti, logni, nichì e grossi.
Diritti, torti e a bannerà.
Bianchi, niuri, gialli e rossi.

Aviri un vastuni 'dinfra è un piaciri.
Ma si duna fora quarchi vastunata
s'ava stari mutu e nenti a'va diri,
vasinnò la famiglia è cunzumata.

Fineru li tempi di li vastunati
quannu scattiava a cu degghè
ora li nonni si cùrcanu mazziati
scurdannusi di putillu fari arrè.

Fimmini beddi, schietti e maritati,
si trovati un vastuni ... nun lu ittati.

Fruttu di mari

Quantu è bellu d'estati lu mari!
Pari un pratu viridi senza vozza
tra tanti pisci ci su li calamari
tra tanti mitilli c'è la cozza.

'Stà cozza, di lu masculu disiata,
è la natura di la fimmina purtata,
circata di l'omu pi 'na manciata
parica è rigalata ma veni pagata.

Di nichì l'avivamu sempri 'ntesta
pi vidila chidivanu un documentu,
si tuccava e cominciava la festa
si taliava e spariva nun mumentu.

Bedda, niura e 'ngiuvittata,
è pronti pi essiri manciata,
sapurusa e ancora vagnata
pò durari finu la matinata.

Quannu si grapi è ròsea e lucenti
veni lu spinnu di putilla manciari
piaci puru a cu nun 'n avi denti
ogni omu la vulissi assapurari.

Cchiù si mancia, cchiù si disia
pari sempri picca e mà sazzia,
è fruttu di mari riccu d'energia.
si ssi fà abbusi, però, mazzia.

Si conza cu tecchia di limuni,

ma è bona e duci comu degghè,
sutta lu lustru di un lampiuni
cu lu spumanti o lu granmagnè.

Ogni jornu nun avissi a mancare
pi l'omu megliu putiri campari,
si propriu nun si 'nì pò truvàri,
si cerca 'na fimmina pi maritari.

Lu manciari si fà di ogni manera
lu megliu è chiddu di la mugliera
specialità "cozza a la sciarrera"
è bona a mezzioranu e puru la sera.

2008 Giuseppe Cardella

Lu mè paisi

Prestu mi susu ogni matina,
grapu porta e parmisciana
beddu sulì trasi e aria fina,
vinticeddu di tramuntana.

Magazzolu, Platani e Verdura.
'Mmezzu 'stì sciumi c'è Ribera,
è terra ca lu viddanu adura
è lu vantu di la natura vera.

Di la Viradura a la Pirrera,
di li Musiti a Siccagranni
sciurisci lu paisi di Ribera
cu aranci e frutti tutti l'anni.

Li sciavuri eccellenti
si la fannu tutti a gara,
sempri idda è la vincenti
è la nostra bianca zagara.

Di Rivela l'aranciu è lu vantu,
pari lu sulì 'mezzu li viridi fogli
è un piaceri pì cù l'ha mangiatu.
è friscu, duci appena chi si cogli.

Chi diri di li fimmini rivilisi:
tutti beddi fini e 'ntelligenti,
di famiglia bona, su burgisi,
laureati e tutti indipendenti.

Di 'stu paisi allegru e fistanti,

tanti cosi ci fussiru di diri
li biddizzi di Rivela sunnu tanti.
si nun ci criditi viniti a vidiri.

Cari furasteri, allura vi dicu:
firmativi a Rivela e respirati,
l'aria fa beni puru a lu nutricu,
è miraculosa e cura li malati.

2007 Giuseppe Cardella

Quannu tu nun ci s'ì

Quannu tu nun ci s'ì,
la casa è senza mura.
Ti cercu, ma unni s'ì ?
Nun sentu cchiù rumura.

Comu 'sta casa
lu mè cori è votu.
Nun c'è cu mi vasa,
sugnu 'n'omu 'ngnotu.

Di la matina a la sira,
anima mia, pensu a tia.
La vita vali mezza lira
si tu, ora, nun si cu mia.

Ti sonnu ogni notti e ti viù,
t'abbrazzu e mi cunortu.
Sentu lu tò respiru amuri miu,
lu cuscinu è lu me cunfortu.

Allestiti a veniri sciatu miu,
senza tia nun pozzu stari.
Staiu mali quannu nun ti viù,
veni! Ti vogliu di cchiù amari.

Ti amu assà pi stari senza tia,
perciò natra vota nun ti 'ni iri.
La lontananza nun 'n'è pi mia,
stammi vicinu e fammi giuiri.

L'alba e il tramonto

Il sorriso dei primi raggi di sole,
illumina il mio cuore grigio e triste.
Con te nasce la luce,
la vita, la speranza,
la gioia di vivere.

In me ci sono i ricordi lontani, ormai sfumati.
Godo dell'oggi
e mi rattristo del domani.
Star con te è sognare, vincere il tempo.
Ti guardo e volo nel passato.

Sono come te! Sono l'alba pure io.
Guardo le tue labbra fresche,
umide di rugiada mattutina.
Il tuo piccolo neo è lì,
fa da sentinella ai tuoi teneri baci.

LA-DEA-DEI sogni, dell'amore,
della fanciullezza, della speranza!
Che Dea sei?
Ti guardo e mi accorgo dei miei anni,
ti sfioro e un brivido assale la mia mente.

E' tutto una fantastica ironia, ma ne gioisco,
m'illudo, prendo in giro me stesso.
Per pochi attimi sono stato l'alba,
adesso, non ci sei più.
Ed è già tramonto.

2006 Giuseppe Cardella

Specchio traditore

Mi guardo allo specchio
e mi domando:
ma perché
sto cambiando?

I capelli ora sono bianchi
gli occhi pieni di pianto
non più un sorriso
solamente rimpianto.

Il torace adesso
è un petto cadente,
l'addome
una pancia pendente.

Guardando un po'
più giù, meno male,
è rassicurante
ed ancora interessante.

Vorrei romperti
specchio infame,
sotterrarti
nell'asfalto, nel catrame.

Mi avvicino e mi riconosco,
sono io,
non sono più lo stesso,
non l'accetto lo confesso.

Vorrei non capire,

vorrei che si fermasse il tempo,
vorrei l'amor non finisse più
vorrei te, eterna gioventù.

Adesso basta! Volto le spalle,
il passato non esiste più, vado avanti
il mio cammino è verso i ..."anta",
voglia di vivere, ancora ne ho tanta.

2007 Giuseppe Cardella

Sutta un pedi d'aranciu

Tu, cu nà vistinedda gialla,
iu, vistutu tuttu di biancu:
d'un campu d'arencetu
a carizzi e vasati ti 'ncuetu.

Curcati mezzu l'erba,
sutta un pedi d'aranciu
cu li vucchi 'mpicicati
ristamu allammicati.

Iu ti levu la vistinedda,
tu la cammissedda mi levi,
senza nenti ristamu,
tutti dù nnì taliamu.

Isu la manu e cogliu 'n'aranciu,
lu spremu nnì la tò vucca,
ti vasu, ti vasu milli voti,
tremu! Tuttu lu corpu mi scoti.

D'amuri e d'aranci 'nì nutremu,
ogni vasata un spicchiceddu,
ogni spicchiceddu 'nà vasata,
accussì lesta vola la jornata.

Mani manuzzi 'nì nnì stamu
e nnì l'occhi nnì vasamu,
tempu un nenti n'amamu
e d'amuri 'nì saziamu.

M'appicciu gatu 'ni l'arbulu

pì pigliari l'aranciu cchiù grossu,
sciddicu, cadu, nun cci vitti cchiù,
forsi svinni, nun capivu comu fù.

Tuttu scantatu grapu l'occhi
e mi ritrovu stinnicchiatu 'n terra,
comu un sturduto a talari lu tettu
propriu a li pedi di lu me lettu.

2007 Giuseppe Cardella

Amicizia ... donu raru

Caru amicu, amicu caru,
si amicu quannu ti cummeni,
l'amicizia è un donu raru,
ma di chissa tu nun 'ni teni.

La 'mmidia ti mangia lu ciriveddu,
quannu l'atri godinu nun li digirisci
ti unchia lu stomacu e lu vudeddu
'nta li vini ha vilenu, lu capisci?

L'amicizia è fratellanza,
chidda ca nun 'n'ha tu.
Cancella 'sta 'ngnuranza
e nun ci pinsari cchiù.

Aviri n'amicu è 'na festa,
tenitillu, nun lu lassari cchiù.
Si di 'mmidia è china la to testa,
prega a Diu e l'amatu Gesù.

Amici cu amici vannu avanti,
tu cu la to 'mmidia va narrè-narrè,
amici veru, nun ci 'ni sunnu tanti,
chiddu chi perdi nun torna arrè.

Perciò caru amicu, amicu caru,
chiuditi la vucca e stringi li denti.
Fa divintari duci chiddu ca è amaru
pirchè la 'mmidia nun servi a nenti.

Sciuriddu beddu

A la villa un journo ivu,
tra tanti sciuri a tia scigliu
sciuriddu beddu e profumatu
di tia sugnu troppu 'nnamuratu.

'Nta 'na casuzza, comu d'ù 'nnuccenti
li manuzzi ni tinemu senza diri nenti,
'ni taliamu nnì l'occhi e suspiramu,
na vasatedda duci-duce 'ni scanciamu.

Di jurnu ti taliu e la notti ti sonnu,
si nnì vulemu, centu nun ci ponnu,
tra carizzi e vasati 'ni stringemu,
sutta li coperti l'amuri facemu.

Un puzzuluneddu iu ti dassi,
e po'.... lu sa chi ti facissi?....
Ti facissi...ti facissi...

Ti facissi 'na grasta di brillanti
china di stiddi e di diamanti,
ccì siminassi a tia sciuri di primavera,
spuntassitu comu l'oru 'ni la minera.

Speru ca un jurnu tuttu s'avvirassi,
li biddizzi tò mà mi li scurdassi,
pi tia nun sacciu chi facissi,
senza lu tò amuri, iu 'ni murissi.

Piccatu, sciuriddu, c'apparteni a natru.
Lu tò cori arrubbassi e facissi lu latru,

cu mia ti vulissi, ma nun ti pozzu aviri,
fammi sentiri lu tò sciavuru, pi nun muriri.

2007 Giuseppe Cardella

Autore:

Giuseppe Cardella

Via castelli, 34 - 92016 Ribera (Ag)

Tel. 0925 66028 - Cell. 338 9652710

Sito web: www.cardellaart.it - E-mail: giuseppe@cardellaart.it